




Sensibilité politique
Boîte postale 83
L-7201 Bereldange

Fernand ETGEN
President vun der Deputéiertechamber
19, um Krautmaart
L-1728 Lëtzebuerg



Lëtzebuerg, den 13/02/2020

Här President,

Sou wéi den Artikel 84 vun eisem Chambersreglement et virgesäit, bieden ech lech, dës dringend parlamentaresch Fro un de Minister fir Finanzen weiderzeleeden.


Virun zwee Deeg gouf an der Chamber eng Interpellatioun vun e puer Stonne gefouert zum Thema vum ländleche Raum. Haut, also zwee Deeg dono, huet d'Spuerkeess an engem Communiqué matgedeelt, dass no enger interner Studie 11 Agencen am Land hier Diere fir ëmmer wäerten zoumaachen. Verschidde Gemengeresponsabelen hunn monéiert, dass si näischt vun dëser Decisioun wossten. D'Gesetz vum 24te Mäerz 1989 gesäit vir, dass d'Spuerkeess duerch seng Aktivitéiten zur wirtschaftlecher an der sozialer Entwécklung vum Land bäidroen soll. D'Spuerkeess als Etablissement public gehéiert zu 100% dem Lëtzebuergesche Staat. Am Verwaltungsrot vun der Spuerkeess sëtze 5 Administrateuren, déi vum Staat nominéiert sinn, soudass d'Decisiounen net unni d'Averständnis vum Finanzminister geholl konnte ginn..

An deem Zesammenhang wéilt ech dem Minister dës Froe stellen:

1. Wosst de Finanzminister am Virfeld vum Communiqué vun der Spuerkeess Bescheid, dass déi 11 Agencë schléisse wäerten?
2. Huet d'Spuerkeess de betraffene Gemengen am Virfeld vun hirer Decisioun Bescheid gesot? Falls nee, empfénnt de Finanzminister et net als schlechte Stil, dass d'Gemengen aus der Press viru fäerdege Tatsaache gestallt goufen?
3. Ugesiichts vum Fakt, dass de Staat 5 vu 9 Administrateuren am Verwaltungsrot vun der Spuerkeess stellt, hunn d'Fonctionnaires d'Decisioun, d'Filialen zou ze maachen, mam Accord vum Finanzminister getraff?
4. Wéi ass d'Schléissung vu Filialen vun engem Service public vereenbar mam Zil, d'ländlech Géigende méi attraktiv ze gestalten?
5. Wéi wëll d'Spuerkeess verhënneren, dass Bierger, déi keen Accès op Online-Banking hunn, vun dësem Service ausgeschloss ginn?
6. Ass virgesinn, déi zukünfteg eidel Agencë vun der BCEE fir de Logement oder de kleng Commerce ze notzen?


Mat déiwem Respekt,





Sensibilité politique
Boîte postale 83
L-7201 Bereldange

GOERGEN Marc
Député



www.piraten.lu



LE GOUVERNEMENT
DU GRAND-DUCHÉ DE LUXEMBOURG
Ministère des Finances



Monsieur le Ministre
aux Relations avec le Parlement
p.a. Service Central de Législation
5, rue Plaetis
L-2338 LUXEMBOURG

Référence : 830x9f959

Luxembourg, le 19 février 2020

Concerne : Question parlementaire n°1869 du 13 février 2020 de Monsieur le Député Marc Goergen concernant la fermeture d'agences de la BCEE

Monsieur le Ministre,

J'ai l'honneur de vous transmettre ci-joint ma réponse à la question parlementaire sous rubrique.

Veuillez agréer, Monsieur le Ministre, l'expression de mes sentiments très distingués.

Pour le Ministre des Finances,

Bob KIEFFER
Directeur du Trésor

Äntwert vum Finanzminister, Pierre Gramegna, op d'parlamentaresch Fro N°1869 vum 13. Februar 2020 vum honorabelen Deputéierten Marc Goergen betreffend d'Fermeture vun Agencen vun der BCEE

D'Froe vum honorabelen Deputéierten sinn zum gréissten Deel schonn mat den Äntwerten op d'Froen N°1866 vun den honorabelen Deputéierten Francine Closener a Georges Engel, N°1865 vum honorabelen Deputéierten Jeff Engelen, respektiv N°1863 vum honorabelen Deputéierten Marc Spautz beäntwert.

D'Spuerkeess konnt d'Gemengen net informéieren, éier d'Decisioun vum Verwaltungsrot iwwerhaupt geholl war. Laut den Informatiounen vum Finanzminister huet d'Spuerkeess nach den Dag selwer Kontakt mat de betraffene Gemengeresponsabelen opgeholl. D'Spuerkeess sicht zesumme mat hinnen no Léisungen, fir déi zukünfteg eidel Agencen méiglechst sënnvoll ze notzen, zum Beispill fir soziale Logement oder fir nei Geschäfte.